



Reuerendi Patris P. Hieremiæ Drexelii e Societate Iesu Opera omnia

Duobus nunc Voluminibus comprehensa, & libellis ante hac non editis
aucta ; Illvstrata, Indicibvs Moralibus, Locorum S. Scripturæ, Capitalium
Mysteriorum fidei, Rerum, & Concionum quouis anni tempore habendarum
; Congestis Et Compositis Methodo prorsus, alijs Auctoribus inusitata ; Sed
Theologis ...

Drexel, Jeremias

Antverpiæ, 1643

Disce vivere, id te doceat lex justitiæ.

[urn:nbn:de:hbz:466:1-77028](https://nbn-resolving.org/urn:nbn:de:hbz:466:1-77028)

Qui hereditatem salutis capientibus in ministrum mittimini,

Qui super regna & provincias constituti estis,

Qui hostium exercitus saepe dissipastis,

Qui Dei famulos ex carceribus & aliis vitae periculis saepe liberastis,

Qui Sanctis martyribus in tormentis saepe solatio fuistis,

Qui Ecclesiae Praelatos & Principes ejusdem nutritios peculiari cura fovere soletis,

Omnes Sancti beatorum spirituum ordines,

A cunctis periculis, per Sanctos Angelos, libera nos Domine.

Ab insidiis diaboli, Libera nos Domine.

Ab omni haeresi & schismate, Libera nos Domine.

A peste, fame, & bello, Libera nos Domine.

A subitanea & improvisa morte, Libera nos Domine.

A morte perpetua, Libera nos Domine.

Peccatores, Te rogamus audi nos.

Per Sanctos Angelos tuos,

Ut nobis parcas,

Ut nobis indulgeas,

Ut Ecclesiam tuam sanctam regere & conservare digneris,

Ut domnum Apostolicum & omnes Ecclesiasticos ordines protegere digneris,

Ut Imperatori nostro, Regibus, & omnibus Principibus Christianis pacem & unitatem largiri digneris,

Ut fructus terrae dare & conservare digneris,

Ut omnibus fidelibus defunctis requiem aeternam donare digneris,

Agnus Dei qui tollis peccata mundi, Parce nobis Dñe.

Agnus Dei qui tollis peccata mundi, Exaudi nos Dñe.

Agnus Dei qui tollis peccata mundi, Miserere nobis.

Christe audi nos, Christe exaudi nos. Kyrie eleison.

Christe eleison, Kyrie eleison. Pater noster, &c.

Psalms ex variis Psalmis.

Laudate Dominum de caelis: laudate eum in excelsis. Laudate eum omnes Angeli ejus: laudate eum omnes virtutes ejus.

Benedicite Dominum omnes Angeli ejus: potentes virtute, facientes verbum illius, ad audiendam vocem sermonum ejus.

Benedicite Domino omnes virtutes ejus: ministri ejus qui facitis voluntatem ejus.

Benedic anima mea Domino, & noli oblivisci omnes retributiones ejus.

Qui redimit de interitu vitam tuam, qui coronat te in misericordia & miserationibus.

Quoniam Angelis tuis mandavit de te: ut custodiant te in omnibus viis tuis.

In manibus portabunt te: ne forte offendas ad lapidem pedem tuum.

Super aspidem & basiliscum ambulabis, & conculcabis Leonem & Draconem.

Immitte Angelus Domini in circuitu timentium eum, & eripiet eos.

Gloria Patri, & Filio, & Spiritui sancto: Sicut erat in principio, & nunc, & semper, & in saecula saeculorum, Amen.

¶ In conspectu Angelorum psallam tibi Deus meus.

¶ Adorabo ad templum sanctum tuum, & confitebor nomini tuo.

¶ Domine exaudi orationem meam.

¶ Et clamor meus ad te veniat.

Oremus.

Omnipotens & misericors Deus, qui nos Angelicâ custodiâ munire dignatus es, concede quaesumus, ut tantâ protectione secuti, & a pravis cogitationibus

A liberemur in mente, & ab omnibus adversitatibus eruemur in corpore. Per Dominum nostrum Jesum Christum filium tuum, qui tecum vivit & regnat in unitate Spiritus sancti Deus, per omnia saecula saeculorum, Amen.

HORA V.

Disce MORI: id te doceat assidua mortis rapina.

MEMENTO homo vanitas, non moriturum te, sed MORI, quovis die, quâvis hora. Vitae hujus principium, mortis est exordium: prima hora quae vitam incipit, dedit, eandem etiam carpsit & mutilavit; hunc ipsum quem agis diem, cum morte dividis. Quidquid facis, respice finem. Breves dies hominis sunt, numerus mensium ejus apud Deum est: constituti sunt termini ejus qui praeferri non poterunt; non poterunt, cheu non poterunt. Et non tantum non praeferri sed nec sciri possunt, quam sint vicini. Vis esse immunitas a morte subita? mortem assidue cogita. Semper discendum est, quod an sciamus, expectari non possumus: meditare mortem. Nemo improvisò moritur, qui semper se moriturum cogitavit. Memento mori.

Disce VIVERE: id te doceat lex Iustitiae.

Virtutis est proprium, injustitiam odisse, & omnem injustitiam comitatum, insidias, fraudes, injurias: has accipere malis, quam inferre. Non mundi, sed Christi lex est: Rapturo pallium etiam tunicâ adjiciendam in auctarium. Et quod illud lucrum sit, argentum in arcâ, damnum in conscientia? lucro turpi jactura longè preferenda est: Quid enim proderit homini, si lucratur mundum totum, & detrimentum anime suae faciat. Sed iis jam moribus vivitur, ut iustitiae nomen religiose adoretur, res ipsa ad cuiusvis ensium aut commodum torquatur: iusti haberi volunt plurimi, pauci esse. Pars magna iustitiae est, ut, quod aliis vitio vertis, ipse non committas, & quod tibi fieri non vis, alteri non facias. Discite iustitiam moniti (ô mortales) & non temnere Divos.

Disce ORARE: id te doceant tres orationes istae.

Prima.

Deus qui miro ordine Angelorum ministeria hominumque dispensas, concede propitius, ut à quibus tibi ministrantibus in caelo semper assistitur, ab his in terrâ vita nostra muniat. Per Christum Dominum nostrum, &c.

Secunda.

Benignissime Deus, ejus immensa bonitas & sapientia, in omnibus sanctis Angelis tuis mirificè relucet, te rogo suppliciter, ut Angelicis pro me intervenientibus suffragiis, omnia opera mea & placatus suscipias, & ad salutem meam provenire concedas. Per Christum Dominum nostrum.

Tertia.

O Aeternae Deus, bonitatem tuam per omnium Sanctorum Angelorum atque Archangelorum preces & merita, humiliter imploro, ut quod me in te amori deest, illorum in te ardentissimus amor compenset. Per eundem Dominum nostrum Jesum Christum filium tuum, qui tecum vivit & regnat cum sancto Spiritu in saecula saeculorum.

HORA VI.

Disce MORI: id te doceant quotidiana plurimorum funera.

MEMENTO homo putredo, quot hac, non dicam vitae brevitate, sed horâ, è vivis citandi ad tribunal summi judicis, cogitanda.